



何大復先生集卷之二

五言律詩

駕出



九重玄武仗萬歲羽林軍
朝帝乘輿出行天警蹕聞
螭頭蟠曉日雉尾拂春雲
佇望南郊氣遙連北斗文

大祀

金榜星辰幕瑤函海嶽編
受禧同漢室登禋異秦年
日抱龍旂轉天流羽蓋旋
揚椎老倍從白首賦甘泉

駕幸南海子

鏡音發柱時春狩踐蘭區
水盡緹城合山迴帳殿孤
公卿隨八駿虎旅備三驅
如聞後車載倘遇渭川夫

駕入

地轉瑤壇迥天迴翠輦高
入城傳鼓吹開殿引旌旄
珮委春池草盤行上苑桃
九天燈燭裏齊拜袞龍袍

慶成宴

漢主汾遊日周王鎬宴時
禮成天地協樂奏鳳凰儀
上殿承天語登筵拜帝釐
載歌天保頌還稱既

醉詩

皇陵

陵闕皇靈闕山河王氣遙
萬年龍虎抱每夜鬼神朝

正盈留天地金燈照寤寥如看翠華度縹緲在青霄

內直

閣院雨晴初微風動綺疏鳳池通款極雲闕過一作

清虛袞職開封事軍情見捷書非才叨侍從徒望五

雲華

入直

賦豈文園客名慚騎省郎聞雞趨建禮駐馬望宮牆

風畫楊花色烟春蕙草香露盤天漢上消渴意何長

晚出左掖

洞門餘積雪御苑覆高霞吏散層霄上城行五鳳斜

大復集卷二十

青田初霽柳紅動峭寒花立馮清沙外空一作林集

暮鴉

奉和嚴太史謁 恭陵三首

敬皇十八載四海一何安昂成棄萬國弓墜哭十官

白日園陵悶秋雲松栢寒龍遊萬歲後寂寞奕衣冠

二

世切如雲望天摧格帝功彌留念諸將顧命託三公

玉几星辰上玄宮霜露中松楸慟哭地白日起悲風

三

夜壑霜鍾杳秋岑玉殿高總帷風淅淅銀海月冥冥

象衛朝羣帝龍藏扈百靈臨門日呼召天語舊臣聆

酬郭內翰上陵還詩

帝遣朝陵日暫辭供奉班
楸梧開玉殿雲霧宿春山
晚向松間散晴從花下還
知君有佳句傳和五陵間
蒼滯都諫郊壇見遺之作

羽衛天行路龍帷御宿亭
壁壇流霽月銀闕動春星
諫獵心空赤逢時鬢尚青
極知陪從地瞻切五雲停

殿試宿禮部張子淳郎中署奉和馮張二光祿
喬直閣諸公

東殿春朝晚南宮夜宿深
鎖闈猶月色開閣更松陰

大便集卷二十

三刻五直

地迥神仙接天高象緯臨
諸君清廟作三嘆荀孫音

得顧華王全州書無知望之消息

地北憐為別天南真可哀
同時萬里去隔歲一書來
水澗蛟龍出山深杜若開
相思有詞賦愁絕並登臺

得朝信惟學書

稍喜豺狼息仍悲鴻鴈音
故人雙尺素遙比萬黃金
水止春花樹城邊秋竹林
天涯暮風雨腸斷北山吟

得鄭繼之書

鄭生湖海去高興渺難降
累月音書數清秋涕淚雙
天邊登越嶠雪裏渡吳江
萬水千山暮何時到爾邦

得王子衡贖榆書

萬里一書創逾年傳 帝都竄身天地遠 垂淚海雲
孤柳送燕臺駿花留漢殿鳧 赤霄終道路白髮且江
湖

次韻張郎中九日無菊

九日盃空綠秋城菊未花 雨叢寒慘淡風樹晚欹斜
獨客悲漂梗 佳人怨折麻 何時開爛熳 沽酒到君家
除夕和以道懷弟之作

汝弟猶吾弟 君家更幾家 情知思棣萼 愁與對椒花
酒罷看參遠 燈寒望斗斜 相憐謝池草 明日又春華

大復集卷二十

四 別卷五十五

戴生在吾語感秋思歸詩以慰留之二首

到日中元節 淹留歲漸微 而翁在異縣 知汝苦思歸
旅館空彈缺 秋風未授衣 敝床還可宿 暫住莫相違

二

二十年方妙 昂藏見爾才 青雲滿霄漢 黃鵠尚徘徊
寶劍休輕試 家書莫屢開 百年深有望 吾道豈塵埃

答汝忠

俱向滄江起 同懷魏闕情 乾坤尚戎馬 我輩復簪纓
戩羽棲雲閣 聯翩入鳳城 誰知薦賢內 今日忝齊名

夜過川甫

日午詩相約。更深馬獨來。慚非問奇客。知是草玄才。
月拆楓烏起。霜燈竹戶開。因思高李輩。詞賦擅梁臺。
九月二十五日會曹汝學侍御于簾堂夜歸遂

過侍御宅

東閣留樽罷。西臺夜過時。題詩倚驄馬。換酒脫金龜。
菊院霜天靜。楓城海月遲。向來秋寺約。還許赴佳期。
冬夜過飲戴時亮進士

琴酒揚雲宅。談玄靜夜真。庭無旋馬地。室有聚螢人。
霜霧生陰井。風燈動夕鄰。喧喧萬車馬。日出自紅塵。
徐子容見過

大復集卷二十

五

正月三日

三月三十日燕京春興懷相過話遠別此去憶深樓
江漢今舟楫。乾坤尚鼓鞞。風塵歸未得。送汝萬行啼。
與王宗哲過訪劉德徵兼有所懷

天街並馬過。零雨碧氛氳。王子真乘興。劉郎雅好文。
燭筵揮玉軫。風戶裊鑪薰。忽憶橫簫客。遙遙隔彩雲。
端陽日過子容登瞻辰樓

五日訪南州。瞻辰上北樓。旌旗夾水殿。簫鼓送龍舟。
滄海猶多難。佳辰但百憂。浮雲暮南適。遙向楚江頭。
九日顯靈宮宴集

九日無風。兩賓朋更遠來。菊花催酩酊。仙侶得追陪。

眺迥山河出登高殿閣開携遊有諸妙詞賦豈吾才
登紫極閣

層閣重重麗丹梯裊裊孤風雲上紫極氣色覽皇都
苑靜芙蓉落城喧鴈鴛呼蒼然見淮楚鄉思滿平蕪
侯郎中劉主事見過對菊

菊樹開初爛軒窓坐晚晴客非先有約花亦太多情
霜艷娟娟靜風香細細生天涯一盃酒今夕對寒城
過君采次韻二首

海內風塵隔天邊江漢流昔牽春草夢今並玉珂遊
神駿元千里仙人自十洲慚隨燕雀輩白髮世間愁

大復集卷二十

六

二

自君來此地謂我頗同流復往江湖去寧忘霄漢遊
龍蛇蟠海曲鴻鴈向河洲從此風波隔長安日暮愁
世其宅夜集同君采作限難字

冬夕具盤飧明燈坐不寒獨憐竹葉盞仍對菊花團
素月縈窓細高雲傍苑殘美人江國去惆悵采芳難
秋夕同蕭執夫舍姪士飲

把燭開塵榻幽尋款夜扉寒城颯欲暮風葉坐未稀
野興林下心不心楚上薇蕭條共盃酒潦倒隗朝衣

除夕劉

完

畫省開雲幔，西堂對雪峰。一年惟此會，萬里幾相逢。
守歲親燈火，朝天候鼓鑪。江湖有岐路，漂轉嘆萍蹤。
晚過以行

伯兄難更見，愛弟復佳名。往日題詩客，黃昏駐馬情。
春星度北牖，暮一作舊雨到西城。腸斷池塘草，東風亦

自生。

顧九和内翰約看花城南寺病目不赴

不赴城南約，暹傳寺裏篇。看花吾未老，出郭偶無緣。
簇馬低春日，啼鶯隔彩烟。風沙開病眼，愁向豔陽天。

遊郭氏山亭

大復集卷二十

七次訓旨于阿

舊日追遊地，新年此度過。庭春歸雪篠，洞古發烟蘿。
遲日登臨倦，名園感慨多。風花騎馬去，須放酒顏酡。

九月四日劉子見過二首

入閣開塵榻，留尊對苑牆。杪秋餘暑濕，高樹獨風霜。
歲逼鄉心甚，天增病骨涼。自憐情興減，不比向來狂。

二

汝病稀相見，高詩久不聞。側思金石奏，喜把蕙蘭芬。
細菊妍霜晝，繁砧亂朔雲。蕭蕭秋日興，對爾憶離群。
九月五日與張劉崔三子約九日遊法藏寺塔

劉嘗約遊西山竟寒盟故云

未省重陽菊誰邀我輩看城南有塔寺共擬集衣冠
雲起登臺興風追落帽懽此盟今夕定莫似碧山寒
登塔二首

古塔層城畔秋毫萬里看登高携賦客落日眺長安
天地懸相抱江山鬱自盤誰能絕頂上不避北風寒

二

塔廊徐暗轉不覺此身高月牖通天漢風簷散海濤
望餘秋色遠登罷客心豪去鴈休回首冥冥一羽毛
訪客鑑公房

病客依樓地石房鍾磬深清齋忘肉食獨宿見禪心

不復集卷二十

入 四 訓 言 五 五

閣日斜寒晝窻雲下夕陰吾居亦鄰並日為過西林
齋宿大興隆寺

疊雪霾雲磴陰霞絢石房沉冥通別理宴息對焚香
暖色含初篠暹烟散遠楊齋心臨暮景屬意向春陽
春日劉薛二子過

林花寒不折城鴈日喧呼壯覺風情減春增旅興孤
經過留翰墨潦倒念江湖未似高陽侶垂鞭向酒鑪

再過玄明宮

朔海風雲變玄宮日月移登臨逼九日搖落倍前時
翠竹寒虛寢荒藤蔓曲池重看石擲地徒有雍門悲

九日登仁壽寺後山

石閣凌香岫，憑高烟霧開。人疑送酒客，地即望鄉臺。
鴈度桑乾去，雲從碣石來。魚龍瀚海北，萬古一悲哀。
十月望夜劉薛二子過對月

院寒冬月白，城夜海雲收。上客拔蘭省，清光近鳳樓。
關山一北望，河漢迥西流。未見乘槎使，迢迢上斗牛。
九日登慈恩寺閣三首

不到慈恩久，今來九日期。天寒鴻鴈少，秋晚菊花遲。
搖落悲風雨，登臨感歲時。牛山何處是，異代獨興思。

二

大復集卷二

九
三首五十一

地幽人跡少，僧至掃莓苔。閣迥湖光入，林昏雨色來。
登臺憐作客，入賦耻非才。何事臨佳節，秋懷未肯開。

三

莫引憑高目，滄茫海色遙。秋空波瀾瀾，寒日樹蕭蕭。
關塞俱搖落，音書久寂寥。天涯有兄弟，猶滯楚江橋。
自滇蜀歸李戶部馬舍人見訪

官舍掃莓苔，故人尊始開。相違頻問訊，乍見各徘徊。
瘴癘一身在，風塵萬里來。欲詢滇蜀勝，慚愧子長才。
雨中過李真人方丈二首

勝地豈常得，幽盟難重尋。清晨驅馬出，聊此息塵心。

二

鳴磬秋堂濕。然燈古殿深。吹簫愛仙侶。縹緲隔珠林。
層臺暮雲外。寂寂羽人居。積雨塔除靜。含風殿閣虛。
洞中留白日。窓下寫丹書。卽此觀幽逸。能令世慮踈。

早入宣武門

藹藹名都會。鷓鴣共接翎。金貂萬戶客。鐵騎五陵豪。
夾道紅塵滿。千門白日高。敍寥揚子宅。隨分守蓬蒿。

望三海

登高望遠海。萬里一長吟。島嶼迎寒日。波濤帶夕陰。
積陰豈無乘後嘆。亦有釣鰲心。去去從吾好。三山烟

霧深。

大復集卷二十

十三百〇四

中秋夜集書給事宅

銀漢高秋露。嚴城月色陰。美人今夜酒。遊子故鄉心。
烏鵲江邊去。蛟龍海上吟。漢宮樓殿迥。莫使暮寒侵。
與韓汝慶行歸長安望月

中秋高宴會。客散向長安。皓月千門裏。青天並馬看。
明添花藥亂。陰益柳條繁。悵望高雲上。何由振羽翰。
晚過周進士言別聞琴

朱絃久寂寞。此夜拭瑤琴。坐對燕京酒。同悲楚客吟。
城高下木葉。樓迥上秋參。別後清江夜。遙思絕代音。

與孫世其過張秀才

長夏稀朝謁，相邀此地同。
占晴行苑外，避暑出城中。
翠篠含風靜，蒼波映日空。
因思共重冠，歸詠舞雩風。
與孫戴張三子納涼

薄暮携三子，追涼步短宵。
水邊低出月，樓上忽橫簫。
久露花沾濕，微風竹動搖。
醉歌聊永夕，坐待紱宸朝。
避暑存上人方丈

燕地炎蒸月，西林大道傍。
上方留避暑，長日坐焚香。
細竹軒窓靜，高雲殿閣涼。
何時更乘月，過宿贊公房。
出遊功德寺

大復集卷二十

十一
唐詩三百九十六

昔聞功德寺，今出帝城西。
晚日丹梯近，秋天翠嶽齊。
荷衰猶斜一作映水，樹古曲盤堤。
十里經行地，清沙送馬蹄。

宿淇公方丈

落日罷登臨，禪房秋坐深。
不妨留枕簟，聊得謝冠簪。
樓閣湖天影，松蘿洞月陰。
明朝又朝市，回憶碧山岑。
天壇沈道士觀中

夏日天壇上登臨，傍九霄川原一以眺。
樓觀鬱蒼昊，洞口逢丹侶。
花間醉碧簫，清沙日色盡。
翻恨馬蹄遙。

張子純宅對月

長安今夜月留客此堂開影落清樽裏光從玉殿來
苑花添悵望鄰笛助悲哀幸接仙郎飲高歌愧爾才
病居田給事中夜過

卧疾春天暮相尋客夜幽劇談翻愈病沉醉忽忘憂
西月低臨牖明星遠動樓看君上馬去猶使與情留
春雪諸翰林見過二首

正月燕京雪飛花落滿筵輝輝映旭日脉脉向春天
苑草寒猶細宮雲晚更鮮中原有戎馬何日凱歌旋

二

冉冉城烟曩飄飄苑雪過人稀春夜靜花劇暮寒多

大復集卷三十

十一卷三首

置酒邀金馬開軒對玉柯陽春有高調莫惜為予歌

酬盧侍御見訪有作用韻

柱史事沉冥行驄到我亭數章天北極隻字斗南星
坐久鶯初喚吟餘草更青朱絃山水調凄切為君停

同張仲脩再過劉子

劉家好兄弟鄰近苑西樓數有花辰會無成月夜遊
留徐還下榻訪戴不迴舟况接張公子詩輕萬戶侯

過田郎

晚就田郎飲高歌坐此庭炎天忽雲雨西日更雷霆
席傍簷花濕窓臨苑樹青相過戀朋好常得慰飄零

同崔太史張侍御飲周都闢亭子

公主山亭在元戎小隊回碧沙霏細雨白日映輕雷
已並花邊駿難孤竹下杯良宵可乘興歸騎一作連漏莫

頻催

郭氏園亭

漢苑清霄近名園不出城曲穿陰洞入危傍峭岩行
賓客冠簪盛公侯甲第榮日斜登覽罷悵望有餘情

過孫世其時有警報

一自來京邑常時過爾吟飄零嘆往昔留滯至于今
各有江鄉思兼之邊塞心明星罷擊柝悵望北城陰

過遠夫

堂上炎天迥明燈夕坐深相逢濁酒醉獨悵白頭吟
苑柳通西內邊烽起北岑此時對遷客何意復冠簪

出閣過勤甫省中

竹垣通左掖花省接仙郎並坐停杯晚高談卷幔涼
水陰沉紺殿山影落彫墻愧我同朝客傳君寡和章

立秋日呂景二內翰呂田二黃門見訪

高城下一葉亭榭已蕭疎河漢生秋早星辰動夜虛
玉珂停騷裏金硯落蟾蜍俱是文章伯相看我不如

再遊郭氏園亭二首

仲夏一到此。主人開水亭。園林再駐馬。臺榭已流螢。
細竹搖風牖。孤雲度石屏。停盃更暮雨。何限北崖青。

日暮北亭上。悵然秋望深。碧山聊拄杖。滄海未抽簪。
苑上開雲閣。窓中疊霧岑。長安足塵土。常過此登臨。

過顯靈宮

不到玄宮久。桃源更此行。行知瑤水近。坐望赤霄平。
洞草秋先長。壇雲晝自生。雙雙玉簫發。風引度仙城。

何大復先生集卷之二十一

五言律詩八十一首

十四夜對月集陶良伯

陶令堂中月，深更酒為携。
金波流未滿，白露迥含凄。
鴻鴈秋江北，芙蓉漢苑西。
一杯同悵望，萬里各羈栖。

十六夜月集侯汝立

秋月尚不減，容堂清宴闌。
把盃看玉兔，駐馬簇金鞍。
漸覺歲時暮，况驚關塞寒。
霜苑中夜發，葉落滿長安。

夜集勤甫宅時秉衡至

同鄉耽宴集，浮歲感飄零。
况復故人至，相邀明月亭。

大復集卷二十一

一

琴清繁玉露，坐久密秋星。
從此兼佳貺，無忘瑤草青。

同崔子鍾過董文玉宅

崔生亭伯興，董子仲舒才。
不為相隣近，那能數往來。
霜天留把菊，風檻促行盃。
尚憶秋參落，酣歌送我回。

十月四日過良伯

古堂秋色暮，霜晝靜烟沙。
鄰並常盃酒，寒天尚菊花。
流雲行苑細，返景抱簷斜。
隻鴈南翻去，飄飄各念家。

夜集世其次戴子韻

醴酒燕京夕，朱絃楚客心。
情親不覺醉，慷慨豈忘吟。
衰拆霜天迥，藜篁雪館深。
江湘舊行地，何日更南尋。

正月四日同子純過劉汝忠次韻一首

並轡來仙第，深盃好共揮。
遠天初夜色，新月更春輝。
燈夕看相近，花時會莫稀。
雲霄望羽翼，真喜接高飛。

二

邂逅憐新歲，朱絃為客揮。
風春歸柳色，月夕助燈輝。
歌酒三人共，乾坤一笑稀。
看君俱妙思，豫翰忽如飛。
顧以行諸客，見訪次韻。

海內朋簪盍，天涯意氣親。
雪峰斜暮景，霜草勁寒春。
客席留尊久，仙曹染翰新。
諸君子里駿，霄漢迥風神。

人日齋居過王德微

大復集卷二十一

二

齋居春晝冥，獨過子雲亭。
兩雪逢人日，江湖問客星。
望來花漸發，愁劇柳還青。
更話東歸棹，遙遙海思停。
立春管汝濟見過次韻

勝日高人過，蓬門氣色新。
青榆初改歲，白菊共嘗春。
鼓吹聞京邑，樓臺接漢津。
扳留慨時序，晤語覺情親。
寺中張子言自浙來話

石閣晴雲抱，花宮夕漏催。
我遊天姥夢，爾向海門迴。
日月雙龍劍，乾坤一酒盃。
山中問百草，早晚折春雷。
夜過劉以道兄弟

風燈懸岸館，竹色靜春沙。
山水停湘瑟，池塘到謝家。

雪融花尚細，烟裊柳初斜。對酌情親夜，能無戀物華。
過城南寺

出城春漸近，到寺日猶高。野望增樓閣，沙行散竹桃。
吏情雙白鳥，世故一青袍。苦被微名繫，乾坤無地逃。
過以道喜其弟以正至限韻得衣字

美人今夕酒，行子暮春衣。常念賢昆弟，經年望爾歸。
喜占烏鵲噪，愁慰鶴鴒飛。譚浪相逢地，銀缸照益輝。
出遊城南寺

樓閣倚清沙，春尋一作深景未斜。聽鶯到竹院，並馬入

桃花。不倦登山屐，猶逢泛海槎。芳樽爛熳倒吾醉，亦

忘家。

王壽夫過分韻得吾字

自別君昆弟，同遊獨愧吾。十年常道路，萬里各江湖。
乍見形容異，相思夢寐俱。向來飛動意，執手五雲衢。
清明日同諸友遊城南寺

風晝人遊少，沙郊馬並行。穿花尋野寺，冒雨出春城。
骨肉新傷淚，賓朋遠至情。天邊有芳草，故向客愁生。
子純邀過東卿

朝回聞折簡，騎馬過西隣。把酒對今雨，看花逢故人。
雲陰初薄暮，鶯囀尚餘春。向日江湖夢，飄零見爾頻。

亮公房雨後

夕宿西林院蕭蕭竹樹分風雷迴驟雨星月度微雲
晏色空中滅名香靜處聞早知禪可托未忍去人群
城東泛舟

水郭移尊宴沙原列騎停岸開平放舸林轉曲通亭
雨意雲垂白風情柳送青衣冠夕臨泛東望極滄溟
懷簾堂集將遊東園以風雨遂止二首

仲夏陰晴半林塘水石隈窻雲開遠色簷日度輕雷
雨阻東山屐天留北海杯門墻接苑樹長晝得遲迴

二

大復集卷二十一

四 裴謂三百七

東園春餘麗西亭晝不譁雨未留聽竹風起罷看花
堂是裴公野庄仍李相家庭堦有碧草早見茁蘭芽
李川甫戴時亮過訪

豈是高人室能勞二妙來炎天雷雨豁深院鬱蒸開
攷席因風樹留尊對晚苔高吟俱感激琴罷轉餘哀
暮雨劉以正過飲

驟雨暮不止轟雷昨夜奔炎蒸三伏破風霧二儀昏
欵客深投轄寬愁細倒尊秦川與楚塞留滯兩鄉魂
鑑上人房訪大和兄飲

雷雨思炎月塵沙苦冀方久拚河朔飲今醉雪山峽

露月搖丹牖松雲抱石堂憐君依宿地棊簞轉清涼
同川甫寺中避暑

偶到清涼地番思苦熱衣水堂菡萏折風殿薜蘿開
避暑無三伏憑虛有一臺西山晝雷雨不見洗天來
同李川甫鄒子家過張子言舍

白晝風雷過城波靜碧沙濕雲翻抱暑西日半籠花
元禮舟堪並鄒陽賦更嘉同遊仲蔚宅杯酒重年華
訪子容自荊州使回二首

使節荆門返文章楚郡傳綵雲神女賦斑竹帝妃篇
吊古南遊日憂時北上年停盃問世事轉眼幾回遷

大復集卷二十一

五 郭尚三百四十六

下馬逢今雨東堂覓舊醅入秋翻暑濕過午復雲雷
花已經年放人今萬里迴世情吾懶道但飲莫停盃
雨中劉汝忠過對棊觀詩談邊事作

城晚客居靜邊秋胡馬多黑雲浮日動白雨映天過
謝傳惟棊局劉琨只嘯歌異時安見汝談笑却干戈
中秋十三日子容樓

對酒中秋日憑闌萬里遙風高塞國鴈月近海門潮
興逐燕歌起竟從楚望銷無邊漢宮柳烟色晝蕭蕭

十四夜李川甫宅

獨院淹杯酌，高秋驚旅魂。風蟬急白露，沙葉靜黃昏。
月上看天柱，潮來望海門。平生壯遊志，非爾向誰論。
十五夜劉子緯宅子靜初至對月

長安今夜月，復滿桂花輪。笛裏三年淚，尊前萬里身。
關山上雲霧，樓閣下星辰。况接離羣友，悲歌對愴神。

過宗拓故宅

過門猶宿昔，駐馬復誰留。雨院殘春竹，風庭折晚榴。
還家無二頃，歸櫂有孤舟。日暮隣人笛，淒然涕淚流。
八月二十八日子容過對菊

近節逢花放，開尊集異鄉。乾坤共一笑，風雨似重陽。

大復集卷五

六十四卷三百五

誰識暮蟬意，獨憐秋樹芳。它時益爛熳，邊爾醉西堂。
九月一日過劉氏昆弟對菊

謝庭看朔菊，楚客醉燕邦。瓊樹元相對，金花亦自雙。
霜雲陰夕院，燈火燦秋窓。待到重陽日，還來倒玉缸。
汝濟夜過同行對菊

搖落相過地，芳菲晚更親。酒醺留媚眼，燈色笑生春。
風雨新晴夜，江山未老身。百年如不醉，恐負此花神。

同許補之劉子緯登定州塔

塔閣盤空上，笙簫透洞行。懸梯出萬井，飛蓋俯孤城。
燕岱風雲色，滹沱鴈鷺聲。登高並回首，直此是神京。

夜集錦夫同本貞限韻

萬里同鄉友飄零嘆此逢江山饒涕淚歲月老形容
風散城邊角雲傳海上烽中原尚格鬪未可問雲松
繡水晴瀾

獨憐繡溪水却出錦屏山却出錦屏山岸夾桃花浪沙明碧石灣
泛霞開激澗乘月弄潺湲千載高人去誰來釣此間
以行自西山還相訪

聞汝西山去題詩十日還獨行翠微裏應到玉泉灣
石壁雲孤曩冬巖菊自斑烟霞發妙思高詠妙塵寰
夜歸昌化寺

大役集卷二

七 鄧州三百。

日落歸山利松風處處聲幽深不易到昏黑更多驚
壑斷尋溪入峰迴截嶺行茲遊藉朋好竒絕冠平斗
平坡

晚眺平坡上蒼茫萬壑前一僧行樹杪諸客到寒天
險駭將崩石清憐乍拆泉翠華公主塔縹緲碧山巔
圓通寺

曉問圓通寺青山拄杖尋飛梁裏石澗寒日抱霜林
殿閣攀躋遠關河眺望深下看孤鳥翼萬里送迷心
仁壽寺

塔廟開龍象叢林會法筵散花金布地拄杖石飛泉

漂泊登高興，依棲習靜緣。
北風吹袖起，昏黑下諸天。
詠天寧寺塔

七級芙蓉起，千年舍利藏。
地形標海嶽，人代閱隋唐。
鏡現三天象，珠含四日光。
白毫空萬里，處處有迷方。

菊莊

吾憐陶處士，瀟灑出塵埃。
白髮秋逾短，黃花晚自開。
百年常對酒，九日漫登臺。
却顧輪蹄者，悠悠徒爾哀。

大功德寺

寶地烟霞上，珠林霄漢間。
宣皇留殿宇，今日共追攀。

攀御榻臨丹壑，行宮鎖碧山。
帝城看不遠，時見五雲還。

大復集卷二十一

八前四二百九

玉泉

行遊金口寺，坐愛玉泉名。
雲去隨龍女，風來動石鯨。
入宮朝太液，穿苑象昆明。
却望天河水，迢迢萬古情。

望湖亭

獨上湖亭望，霜空萬里明。
檻疑天上立，槎是斗邊行。
雲霧開山殿，芙蓉暗水城。
先朝四百寺，秋日徧題名。

慈恩寺

海子橋西寺，高樓御苑花。
中流自日月，平地有烟霞。
客至開金殿，宸遊想翠華。
十年復到此，朋輩各天涯。

乾坤聊一舫，高卧此齋深。竹散琴書色，窓開島嶼陰。
乘桴浮海意，擊楫渡江心。無限風波裏，何人嘆陸沉。
鏡光閣

峻閣岩莧上，層城眺望中。風鈴齊送響，雲磴曲盤空。
海色搖窓碧，蓬萊影日紅。翠華無復到，長鎖翠微宮。
關門

虎衛關門迥，龍沙塞曲深。風雲時有氣，日月晝長陰。
中使西來訊，千官北望心。天寒漢宮闕，翠蓋憶春臨。
寄題蒼谷寺

大復集卷二十一

九
九
九

曲水盤山地，松門路不分。青天望嵩少，白晝吐風雲。
過客空高興，徵君自有文。霜鍾翠微裏，日暮渺相聞。
鑑公房石鏡

石盃何年鑿，瑤燈此夕然。雲流自五嶽，月色近諸天。
定裏金輪轉，光中玉鏡懸。西來不滅影，常照法筵前。
張侍御仲修送弓

繡服意相親，彫弓把贈新。獨憐投筆志，未老據鞍身。
晝控鳴風鏑，宵彎抱月輪。倚天時一望，西北有胡塵。
新鄭道中

客路臨新鄭，雲沙望轉平。夕烟生斷壑，野水入荒城。

下馬看碑誌，遊人問地名。
千秋陵谷在，懷古益多情。
淇門

何處問商圻，荒原尋斷碑。
鷓鴣鳴深市，井鴈入古城。
池斜日，人空吊，浮雲世自移。
祇餘淇上竹，綠色映寒漪。
銅雀臺

美人望陵處，無復翠華過。
殿冷閑歌吹，宮春罷綺羅。
落花嬌靨盡，芳草怨魂多。
日暮漳河水，東流空白波。
壽鄭廷瑞太守

五馬歸來日，閑身六十強。
春花自爛熳，雲水共徜徉。
邑種萊公竹，邦留召伯棠。
平生天下志，白首付滄浪。
初度
大復集卷二十一
十一 詩三百五十五

此日吾初度，深盃且自揮。
眼看兒女大，身覺弟兄稀。
未得浮滄海，徒然傍紫微。
齒年今不小心事，已多違。
秦翁輓章

不見此翁起，誰尋處士家。
邑人傳月旦，萬里慘霜茄。
水面藍田月，春殘清渭花。
隴雲深一墓，寒月畫空斜。
輓謝晚耕

五十不入城，獨吟稱晚耕。
日南提劍志，海上却金名。
故里松猶在，秋田草自生。
江湖夢顏色，悵望有餘情。

輓謝中丞

閩海通南極。山產異才。潘良三。歷郡鎮。靜久登臺。
神鬼愁先見。蠻夷望復來。誰看大星落。天柱使人哀。
吳中丞雙輓

近讀中丞傳。無聞節婦吟。死收銅柱績。生有栢舟心。
滄海空潮汝。青山自古今。雙鳧俱不泯。何恨九泉深。
海嶽陳翁輓章

白雲送秋老。一墓海門邊。花憶啼鶯日。風悲種樹年。
人間餘翰墨。天上有神仙。從此遼東鶴。千年更一旋。
百戰

百戰將軍死。中原將士哀。山河猶汗馬。霄漢已雲臺。
敢料安危勢。須還節制才。南征聞日遠。消息幾時來。
大復集卷二十一
十一 黃里三百九十一

觀兵二首
將帥俱分閫。朝廷再剖符。選徒皆虎士。戰馬盡龍
駒。直指黃河外。長驅碧海隅。感恩須此輩。萬一為捐
軀。

二

組練回天地。戈鋌白日搖。王師一奮怒。寇賊可潛消。
使過傳金節。軍行奏玉簫。人言漢家將。今是霍嫖姚。

諸將

漢方皆寇盜。諸將半公侯。未息蒼生困。猶煩玉食憂。

珥貂前日賜汗馬幾時收莫倚兵車力安危在運籌
防寇

萬國猶防寇三年未罷師天清聞鼓角野曠見旌旗
岸雪晴含照山雲晚趁姿孤臣北上日想望太平時
盜起

盜起從畿甸徒勞將帥心徵兵搖白羽募士散黃金
天地河嵩隔風塵海岱陰萬方吹盡角此曲淚沾襟

花當

聞道花當種緣邊部落遙百年為漢衛每歲款天朝
犯順若無敵背恩誰爾驕側想文皇日龍驤親渡

遼

大復集卷二十一

十一 里二百八十六

內直遇雪

晨晨城雲影蕭蕭急霰催遠從仙閣度輕繞鳳池迴
弄日搖彤管含風引玉杯春還今歲早先報漢宮梅
入朝遇雨

躍馬天街齊趨朝冷色催好風先北起微雨自東來
柳拂重城鎖花籠複道迴萬方憂旱日沾灑望蓬萊
將雪有懷

長安十萬戶騎馬欲何之已動尋梅興空成采葛詩
雪心知霰集雲意怯風吹今夜西堂燭蕭然有所思

冬月

冬月少光輝。霜天影漸微。鼓鼙仍雪塞。燈火自風靡。
水凍蛟潛泣。沙寒鴈不飛。何時漢家將。雙照羽旗歸。

秋雨

斷續城頭雨。空齋綠蘚封。孤燈聞過鴈。四壁起鳴蛩。
細草傷心碧。幽花滿目濃。美人居綺陌。幾日一作惆悵不
相逢。

十七夜月思

秋夜已如此。美人安在茲。含顰向玉兔。揚采憶蛾眉。
嫋嫋芳香歇。盈盈白露滋。河關悵伊阻。誰復訊佳期。

大復集卷二十一

十三
書一頁五

何大復先生集卷之二十一

何大復先生集卷之二十二

五言律詩八十一首

雨雪曲

蒲海雲成陣，天山雪作花。
長城烽火入，虜騎動鳴笳。
霧深迷漢月，風起暗胡沙。
一夜關河冷，征人盡念家。

星變

星變干常紀，花開與令違。
九重方避殿，四海望垂衣。
賦歛何時緩，流亡幾處歸。
廟堂圖至理，早晚答天威。

威

冬月

大復集卷三十二

一

易三百零六

冬月今宵滿，他鄉此夜情。
城高初影堞，樓靜故當楹。
霧濯寒輝苦，風吹夕暈生。
捲簾愁不寐，庭樹宿鴉驚。

月食

月蝕中秋夜，中天萬國看。
衣冠連大內，鍾鼓動長安。
光沒天河曉，陰沉渤海寒。
聖心應念此，長望五雲端。

端

九月十五夜月

萬里高秋月，青天此夜看。
乍流關塞影，遙出海雲端。
浙浙聞風慢，輝輝傍菊欄。
清笳奏城闕，爲報漢宮寒。

中秋無月

月賞今年罷高樓獨客愁關山中夜笛江漢故鄉舟
暗雨捎簷入私螢度檻流應知雲霧上天柱有人遊
六月望月食

未月黃衢厄妖遮赤道行魄殘疑近晦食甚始生明
奏鼓風颺慘登壇雷雨清撓槍猶未掃天意豈休兵

元日

元日王正月傳呼晚殿班千官齊鵠立萬國候龍顏
辨色旌旗入衝星劍珮還聖躬無乃倦幾欲問當

顯

五更

大復集卷二十二

二易百六十五

五更霜雪霽忽夢紫宸班天上傳鐘鼓風前想珮環
雞鳴無復詠馬動亦虛還憶在先朝日朝朝見

聖顏

三月三日

病眼看天地風沙當晝吹賞心孤酒伴行樂過花時
水曲蘭芳靜城陰柳絮遲疎郊有車馬春色報人知

秋夜

暝砌疑寒色高樓閉綺櫺露蟬吟蟋蟀風葉下梧桐
此夜關山月何人悵望中冷然感秋思况復聽征鴻

元夕

燈火萬家歡高樓玉漏殘舞留華月緩歌裊綠雲繁
雪郭春初霽烟城夜不寒畫橋垂柳外遊女珮珊珊
十月一日二首

今日孟冬朔輕烟澹曉暎北風飄一鴈寒氣入千門
消息斷行客關河迷故園浮生元不定俯仰任乾坤

二

嚴霜淒卉木茲歲忽將周寂寂龍蛇蟄寥寥江海流
暮燈喧巷哭風角起邊愁不盡中原望難尋萬里樓

歲晏

歲晏看人事蒼茫繫所思浮雲當日暮積雪見春遲

大復集卷三十一

三易要三百九

報國元無術寧親未有期獨憐張內侍吟絕四愁詩

中秋

風塵悲海內滿月對長安聞道王侯第中宵宴未闌
邊雲催玉管生水弄金盤獨念南征將關山此夜寒

三月三日

三月正三日長安春可哀鴈從南國至花向北人開
戎馬中原地鄉關萬里臺嗟蛇嘆物色容易歲年催

清明日病懷

旅舍清明日長安新火烟桃花轉愁思竹葉興蕭然
客病閉官馬囊空滫俸錢故鄉聞稍定南望好林泉

謝崔太史惠菊

道我高庭菊，懷君秋樹林。香添竹葉盞，色助草堂吟。
翠蓋翻風檻，霜天倚玉簪。晚芳如不歇，可比歲寒心。
觀荷

入院高荷密，留尊菡萏遲。絳房扶水蕩，翠蓋倚風枝。
檻坐明星夕，窓過驟雨時。流螢點點度，故傍綠陰池。
寺中吾子館海石榴

西林雲晝靜，覆院海榴花。坐映東窓下，疑窺隣女家。
被枝搖綠水，片片落丹霞。錯比珊瑚樹，光輝逼一作
日華。

汝慶宅紅菊二首

紅菊開時暮，亭亭冠物華。亦知顏色好，不是艷陽花。
羅綺嬌秋日，樓臺媚晚霞。清香如不改，常傍美人家。

二

秋花何太艷，綠蓋慰飄零。笑比西施醉，愁憐楚客醒。
雲高開爛熳，烟細裊娉婷。好為多沽酒，頻來倒玉瓶。
沈道士館牡丹

仙亭牡丹樹，不數玉山桃。忽漫相逢處，開花爛熳高。
彩雲停度曲，遲日動揮毫。明歲天壇趾，春風憶錦袍。

雨中紅芍藥

百花堪獨立一雨更風流日暮行雲女仙裳覆楚丘
明添丹臉淚暗抱錦心愁晴晝猶須賞何人駐紫騮
長安柳

三月長安柳春風吹暮天花飛御溝水葉傍漢宮烟
繞岸猶堪折臨流更可憐故園無限樹零落戰場邊

芍藥

城中芍藥徧席上把殘枝上苑相看日春風雨較遲
艷歌翻錦瑟酣醉倒金卮南國今開罷園亭數夢思

觀竹

相國西垣第新看種竹成葉香鳴鳳宿根古蠶龍生

大德集卷三十三

五湖新三首三

雨洗琅玕色風傳箬籟聲山林輕澗食心迹喜蓬蒿

魯山院竹

春公堂下竹覆地長新篁雨飈春墻碧風合石室涼
經行留下榻晏坐對焚香遺響流空屬特特著上方

聞鴈

見汝今南下憐子一望家亂聲求侶急萬影背人斜
月靜林無葉雲寒菊有花萬行關塞淚秋日墜胡笳

鸚鵡

不恨金籠閉其如鐵鎖牢側身燕雪苦垂翅隴雲高
豈為能言語番令妬羽毛角鴈何猛氣翻掣錦鞵絛

春鴈

花初背楚澤，雪罷度桑乾。漸起隨春色，高飛犯朔寒。
書停江國望，陣倚塞門看。憶爾常南北，無嗟行跡難。

鴈

噓噓胡笳怨，飄飄南鴈翔。長風度關塞，九月下瀟湘。
積水浮連影，遙空起斷行。故園秋望盡，聞爾淚沾裳。

聞鴈

鳴鴈南方去，人今北地聞。水寒沉塞角，沙暮起秋雲。
獨叫如求侶，相呼恐失羣。高樓潛望爾，鄉思轉紛紛。

驢

大復集卷二十二

六 裴龍三首

碧山誰放汝，華館故相羈。野性看人駭，閑身顧影疑。
草香春過處，花暖晝眠時。無限雲林好，樊籠祇自悲。

蘇子遊赤壁圖

垂老黃州客，高秋赤壁船。三分留古跡，兩賦到今傳。
落日寒江動，青天斷岸懸。畫圖誰省識，子載尚風烟。

彼美東隣子

彼美東隣子，花間白日醺。纖腰人不見，妙曲轉愁聞。
舞罷空明月，歌餘尚彩雲。章臺楊柳樹，花暮落紛紛。

雪夜九梅翁園同蒼谷宴集二首

郟城風雪夜，騎馬叩誰門。乘興寧迴棹，寬愁數倒尊。

菴堂開洞壑，楓岸疊沙村。朝市山林意，非翁未易論。

二

冬夜南園集，携遊興未窮。登臺望積雪，下嶺逐迴風。
駿愛林中馬，冥思海上鴻。不因蒼谷子，誰識九梅翁。

到鄂簡王敬夫

以下奉集

杜曲花無數，城南柳更重。去天惟尺五，隔歲一相逢。
兩過春陂水，雲開紫閣峯。好陪王學士，杯酒日從容。
同敬夫遊至華陽谷聞歌妙曲

名邑今重過，終南第一遊。山中白雪侶，天上綵雲流。
柳散秦川色，花含杜曲愁。同時霄漢侶，十載卧林丘。

大復集卷二十二

七 裴左三百十五

過康子德涵彭巖別業

不求金馬召，翻愛碧山棲。柳色閑門閉，桃花曲徑迷。
酒船時問字，翠壁有留題。只此林泉好，無煩到澣西。
答張道夫都閫病懷

不到將軍第，秋清病起遲。誰知平子後，復有四愁詩。
月幌臨書帖，風庭掩戟枝。東橋好山水，何日赴幽期。
九日同陳侍御鳳谷登宴

栢臺驄馬使，蘭谷鳳仙家。暫駐三秦節，來看九日花。
風霜高錦樹，雲日麗清沙。去去層霄上，回瞻北斗斜。

送閒雲子還河內

爾西訪崆峒東隨河上公神仙自有友不與世人同
王屋留雞犬天壇躡斗虹白雲從此駕去去入無窮
卧病簡汝濟士奇時濟二首

卧病常遲起焚香獨燕居聊因謝簿領暫得弄琴書
嶽色盈虛牖泉流遶暗渠雖然官府內不異在林廬

二

習隱開三徑耽幽構一齋吏人稀到戶烏雀自馴階
藥補身差健詩成悶強排同聲二三子不見好音來
懷一作

過馬谿田村居

大復集卷二十二

入裴體二百九

宛宛清河曲團團翠竹村卧龍元勝地容駟已高門
野曠嵯峨出天寒雲霧屯何時還過訪無限欲相論

冬夜過仲木

漢殿詞臣第秦川處士家過逢遙慰藉文翰轉光華
夜興山陰雪春情渭北花江湖望霄漢相對一長嗟

寄彭辛菴中丞

山海藏身遠朝廷屬望頻駿功收戰伐龍卧偃經
綸星宿黃河氣風雲華嶽神生才元有待終起慰斯

人

贈張時濟陳伯行胡承之周少安三月三日出

城遊宴

芳筵開上日。才子出京華。暫別含香署。俱停訪石槎。
秦川平對酒。漢苑曲穿花。應共題春草。相過謝客家。

是日蓋時
濟邊諸君

送張行人賞大行皇帝遺詔使秦蜀

我皇忽晏駕。君行辭直廬。九霄持使節。萬里捧哀書。
湖望雙龍島。橋回駟馬車。錦城花滿樹。爭識漢相如。

清明日病卧聞三司諸公出城

伏枕花辰過。閉門樽酒空。賓朋臨水上。供帳出城中。

柳色龍池雨。鶯歌杏苑風。秦川多勝事。遊賞未能同。

不復集卷二十二

九黃里三百一

秦府進曆

寶曆須天闕。金樽宴錦軒。萬年周正朔。七葉漢宗藩。
向日莫堦曉。含風蕙砌暄。同懽承睿款。歌舞頌乾元。

拜將壇

漢主西封日。淮陰拜將時。壇場如往日。朝代幾遷移。
王氣風雲歇。雄圖日月垂。江山弔故國。誰復見旌旗。

秦嶺謁韓祠

捫蘿登峻嶺。級石上荒祠。雪阻南遷跡。雲停北望時。
文衰真有作。道喪已先知。千載經行地。高山空爾思。

登五丈原謁武侯廟

風日高原暮，松杉古廟陰。三分扶漢業，萬里出師心。
星落營空在，雲橫陣已沉。千秋一瞻眺，梁甫為誰吟。
普緣寺有馬融讀書洞

春山尋古寺，昏黑尚攀緣。不徑千盤轉，巉崖萬仞懸。
虎常啼白晝，猿忽墮青天。欲訪名賢洞，冷泠隔澗泉。
書院課士雨至有作

雨色閒堂靜，橫經坐晝深。笙歌非絳帳，絃誦有青衿。
竹勁捎蒼碧，松寒覆院陰。萬人憂旱日，洗耳聽秋霖。
登樓鳳縣作

近訊中原使，無登萬里樓。朝廷仍北極，行在且南州。

大復集卷二十一

十一 黃里 三三五

峽斷風雲隔，江通日月流。如聞乘八駿，早晚向昆丘。
東河三月晦日

雨宿東河夜，送春山館寒。遠沙霾霧樹，危石上風湍。
慣涉波濤險，偏經道路難。平生四方志，回首欲求安。
青峯閣曉霽

初日東峯上，微微霧色分。卅崖含宿雨，青嶂拂歸雲。
候騎林端發，鳴笳樹裏聞。前山更可愛，晴望碧氛氲。
草店雨行

山館夏陰澹，雨行寒色淒。奔湍迴白石，折坂下青泥。
棧道常通北，江流却向西。千峰問來路，烟霧使人迷。

晚楓漁浦暗春草獵原空獨令年載下懷古意無窮
長春宮

夜宿仙人館晨聞鳳吹停玉牕開曉月丹井汲春星
久秘長生訣空留不死庭下山回一望巖壑香青冥

益門

益門通漢沔棧閣上雲霄蜀道從茲始秦川望已遙
生風隣虎穴迴日過龍標眇眇征途于雲山誰見招

新開嶺

塹山通大谷槎嶺掛天梯倚獨一作立飛雲上回看落

日低異花千種色怪鳥百般啼晚就松林宿烟昏度

大復集卷二十二

十一 吳苑 武官 益門

碧溪一作寒烟 下碧溪

柴關

連峰入冥雨絕壁閃餘霞水認秦人洞林疑謝客家
石門踐苔蘚源口覓桃花他日求棲息無言此路賒

武關

北轉趨劉垵西盤出武關微茫一線路迴合萬重山
天地幾龍戰風雲惟鳥還關門鎖溪水日夜送潺湲

昭烈廟

漂泊依劉計間關入蜀身中原無社稷亂世有君臣
峽路元通楚岷江不向秦空山一祠宇寂寞翠華春

鹿苑寺即摩詰寺

舊宅施為寺，青山屬野僧。高人不見，勝迹已無憑。
色藉荒庭草，陰垂古殿藤。千崖一微徑，異代幾攀登。

過華清宮

冬一作偶駐華清殿，千秋憶翠華。青山無帝宅，荒草半

人家。雪下湯泉樹，春回繡嶺花。長安望不遠，誰見五陵霞。

望終南

近覽南山霽，遙迎西日曛。黛橫千里色，花抱一作絕五

臺雲。城闕行相映，川原望轉分。丹梯懸石洞，未訪赤

大復集卷二十二

十三 吳辭二百四十七

霞文

首山

王君首山下，新起讀書樓。雲霧懸羅入，湍波湧竹流。
具茨黃帝宅，嵩少羽人丘。想待功成去，方為此地留。

兩河口

東下商南路，西辭蜀北門。青山兩河口，古戍百家村。
曲棧盤林杪，危湍噴石根。經過回白首，蹤跡半乾坤。

何大復先生集卷之二十二

何大復先生集卷之二十三

五言排律二十六首

上李石樓方伯 以下家集

三晉多人傑，吾師出固然。素汾經太岳，紫塞入幽燕。
世業端居里，名邦倚舜田。由來天運復，誰謂地靈偏。
郭相慚先達，王通俟後賢。明經超第一，射策對三千。
感會逢昌紀，登庸起少年。劒鋒寒照雪，辭藻麗生烟。
博物張華讓，多才子建憐。八叉迎客賦，隻字使人傳。
豈獨文章貴，還應器識全。雄談飛玉露，浩氣豁金天。
亮節唐元振，英風魯仲連。青雲仍自致，黃鵠任孤騫。

大復集卷二十三

一 楊玉三百七十七

簪筆星辰上，持書日月前。觸邪稱獬豸，特立憚鷹鷂。
東觀臨晨入，西臺薄暮旋。朝回焚疏草，吏散閱陳編。
百采班行整，羣公禮數虔。一年巡洛表，兩命下秦川。
斧鉞威關隴，舟船達澗瀍。石林風淅瀝，霜仗月嬋娟。
遠徼胡宵遁，茅茨犬夜眠。激揚弘憲度，旌別布威權。
制作人文渙，經行草木鮮。闡幽輝往哲，訪古徧遺阡。
汲黯還辭漢，張騫又使邊。臺端堪秉節，湖上且移旃。
城接三江樹，波通七澤蓮。蠻夷恩已洽，州郡役多蠲。
糾察元無隱，焚蕘肯自便。駐車仁雨渥，登座法星懸。
遠臬馳譽久，當途薦疏聯。碧梧看鳳峙，喬木待鸞遷。

分陝推公與封侯得傅玄開藩臨宋苑張幕傍河壩
位重心逾下名高守益堅薇花當省署棠萼滿郊鄆
聲價隆方鎮光芒動斗躔明堂求畫棟清廟想朱絃
寇準真時望王公勸早宣麒麟功不朽金石頌應鐫
愚本蓬蒿質那堪侍几筵垂髫蒙引拔撫志荷陶甄
附驥懷深願登龍感夙緣未除原憲病空負樂生愆
舊業心常在脩途步轉躔鸞鳴猶待律魚得敢忘筌
草野瞻飛蓋雲遙望著鞭臨風歌此曲慷慨不成篇

寄徐博士二十二韻

有美雲間士才名洛下傳逢時不得意謫宦轉悠然

大復集卷二十三

二 楊三首在十六

殊渥優文學清階謝糾纏班行亦霄漢官侶是神仙
樓閣星辰麗宮墻日月連院桃紅爛日闕檜碧參天
賈誼為王傅陽城淑後賢諸生攻誦法六館藉陶甄
玉序金鏞列虛廊石鼓懸雅音淒古調竒字索遺鑄
劉向憂經術楊雄困草玄羅傷廷獄宅座嘆廣文氈
魯壁藏書日齊門鼓瑟年青衿時涕淚學士盡奔遷
鸚鵡愁金絡麒麟耻玉鞭客心千里雁歸興五湖船
上國同傾蓋長宵更接筵彩雲停翠管白雪繞朱絃
悵別燕臺下淒涼楚水邊海鷗終浩蕩天馬自騰騫
朋舊稀相見江湖益可憐因風問消息尺素幾時旋

寄邊太常

不薄淮陽守，翻辭大省寮。
聯翩近地奉，引憶先朝碧。
落仙人館，銀河織女橋。
漢儀瞻鹵簿，虞樂典簫韶。
日月旂常動，星辰劍佩搖。
聳身殊道路，回首隔雲霄。
河內猶宜借，山陰豈見招。
乾坤五馬貴，江海一麾遙。
雅識懷金奏，同遊嘆玉鑱。
歲年雙轂轉，岐路一蓬飄。
鸞翻終難鑿，鷺遷本在喬。
九苞應不遠，覽德是今朝。

復菴王公錦

斯人中上彥，未老即重泉。
薦鴛推前達，乘驄憶少年。
聲名起霄漢，詞翰落雲烟。
志在身先退，才高道亦全。

大復集卷二十三

三 刘文三百五十一

劍橫常自許，寶棄復誰憐。
世業襄城舊，孤墳汝路偏。
脩文應地下，遺像儼生前。
未得瞻風槩，空令涕淚懸。

愚菴王公瓌

大夫元曠達，襟抱絕塵氛。
香署星辰列，清班鶴鷺群。
兩都看宦達，百宋重廉勤。
要地能知止，危途耻策勲。
早投南郭隱，不待北山文。
身向歸來健，名從死後聞。
一官無厚業，諸子有餘芬。
鳴瑟哀梁木，遺書落菜雲。
風花虛館榭，烟草自丘墳。
野路東流水，空山歲暮雲。
九原長不起，回首一懷君。

十月鳴雷動中宵萬壑哀初聞蟠地出忽覺遶庭迴
夜水蛟龍聞寒山風雨來江濤何處拆天柱此時摧
詎識乾坤意深愁號令乖攬衣還不寐坐望積陰開

雨後溪園即事

偃息春朝晏輕陰散野園山雲行翠壁溪雨度河源
鷺浴晴相倚鳧飛暖自喧疎楊映遠岸細草入平原
開徑徒懷侶臨流且避諠豹終隨霧隱龍豈怨泥蟠
鴻鵠皆千里雞豚自一村幽棲何限意難與世人論

中元節有感

去歲中元節朝陵百職同嚴趨神路左遙拜孝園東

大復集卷二十三

四 刻亦三百六十一

龍虎瞻王氣乾坤仰帝功未迴衡嶽駕空墮禹湖弓
啓兆龜圖順編年鳳曆終王衣陳畫幄寶瑟闕玄宮
北極猶前日南薰亦舊風病居逢此日長望五雲中

九日

盜賊無休日憑高淚滿纓岷峨日悽愴江漢失澄清
故國遺軍壁孤城傍虜營兵戈生朔氣鼙鼓入秋聲
吹帽他時興登臺此日情賓朋共一笑俯仰異平生
黃菊淮川晚丹楓楚岸晴蹉跎粟里醉憔悴澤中行
近郭青山抱迴堤綠水縈長陰接遠甸短日背高城
墟里孤砧發關河一鴈鳴臨觴憂戰伐對食想昇平

元帥誰摧敵尚書尚用兵幽人獨北望疲卒舉西征
秋圃芳菲雜閑門鳥雀盈垂蘿飄几席落葉裊簷楹
夕竹捎烟勁寒花泫露明光陰玄鳥變湖海白鷗輕
放逐寧違性棲遲且避名蒼生大臣在莫自涕縱橫

悼馬詩

并序

予家買得一馬齒小而良丁卯歲季夏十五夜予
忽夢一龍子立堦下踟躇而死夢警僅在戶外呼
曰廐馬死廐馬死予怪且惜之作悼馬詩十韻

乘爾方踰歲何期病忽危四蹄猶未鑿雙淚泫長垂
渥水千年降房星一夜隳早逢田子嘆終共塞翁悲

大復集卷二十三

五前朝三百七十八

顧影辭金絡遺馥戀敝帷詎能酬飼秣那復效驅馳
首着殘空櫪莓苔滿故池風塵思駿力烟海失龍姿
惆悵玄黃句淒涼赭白詞平生精志在不愧主人知

郊觀二十二韻

以下京集

今代園丘地天開壯麗區神祇二后配禮樂百王殊
制作由皇祖儀章藉老儒萬靈欽受紀七聖亶

承圖弋望無虞典登封畧漢模魏基錯采繪法象備
堪輿丹戶乾坤闢雕墻海嶽扶瑤壇上星斗琳觀俯
虛無輔弼朝玄座勾陳衛紫樞風含浴殿暖雲裊靈
盤孤好時瞻春祀嵩高聽夜呼公侯守禁籞虎旅登

金吾玉輦臨儀宰，珍饈走膳夫。廟縣鏞鼓列，庭舞列
干趨。俎豆聯周簋，圭璋飾夏瑚。祠官足錦繡，道士住
蓬壺。澤草三花綻，宮霞五色敷。時時聆磬管，鬱鬱鎖
松梧。日月藏金櫃，龜龍秘赤符。祈天洪洛誥，渡海斥
秦誣。杜甫唐三禮，班生漢兩都。侍臣從此賦，千載頌
文謨。

壽許司馬

間代生豪傑，乘時見哲人。雄姿龍馬異，偉器廟廊珍。
浩蕩天開運，崔嵬嶽降神。扶持元有自，制作固無倫。
嘉落先朝事，崢嶸報主身。九霄隨日月，萬里出

大復集卷二十三

六 貴朝三百七十一

風塵。柱下曾簪筆，臺端早曳紳。觸邪持豸角，糾繆逆
龍鱗。道直官頻謫，時危志不伸。流言鑠金石，雅操厲
松筠。行跡知桓典，專城借寇恂。清譽高士論，優詔闡
皇仁。紫禁彈冠入，黃沙捧節巡。讜謨仍寡合，正氣
凜難馴。厚寵臨危辱，幽期邁隱淪。班行看解綬，河上
羨垂緇。謝卧東山裏，夷歸北海濱。蒼生懸望切，青瑣
薦書頻。改革逢多難，倉皇憶舊臣。帝心虛簡在，神

武藉經綸，指顧三邊靜。吹噓四表春，朝廷推汲黯。
帷幄用陳遵，圖識魚蛇變。營觀虎豹旒，赤墀分雨露。
畫省接星辰，下殿常宣問。臨軒數見親，御香携袖滿。

瑞錦賜袍新不屈，朱門貴能憐。白屋貧散衙，時待士
開閣晚留賓。片善無攸伏，微言得具陳。重闈俱鑲鏤，
諸子益振振。竇氏燕山桂，莊生漆園椿。趨庭羅衫服，
列鼎席文茵。夢燕佳辰協，乘牛紫氣真。庶司欽軌範，
斯世待陶甄。願保喬松歲，長登要路津。頌聲垂瓊琰，
勲業上麒麟。未進瞻休采，愚衷實怵忻。魏公中土彥，
誰謂德無鄰。

壽泉山先生

德業台衡望，精神光嶽靈。漢儲懷羽翼，周士服儀刑。
綬舄登三省，臯比擁六經。飛章白獸闥，解組鳳凰亭。

大復集卷二十三

七

慷慨陽城餞，悽惶楚澤醜。丹心對日月，白首卧滄溟。
積慶璿源濬，垂芳奕葉馨。彩衣萊子宴，玉樹謝家庭。
海嶠神仙窟，烟霄鳧鶴翎。棲身葺薜荔，返老斲松苓。
花映衣裳古，芝凝眉髮青。三山開壽域，萬里動文星。
雨露知桃李，春秋報莢莢。聖朝蒼俊禮，早晚貢雲
扃。

簡粹夫

二十知學道，于今猶未真。白髮空愁我，金丹不遇人。
側身向天地，舉足墮風塵。乘雲空有興，涉海浩無津。
聞君能鍊骨，妙論頗通神。倘惠長生術，高揖謝親賓。

送梁鴻臚之什邡次孟望之韻

王宮葉縣宰仙令漢庭聞
寵錢傾朝俊清光憶近君
鷁舟三峽去鳧舄九霄分
錦水流營月巴山入陣雲
朝廷再遣將郡邑半從軍
雍齒封侯地期君早樹勲
寄贈王子衡御史時按關中

獨坐清關內臺中覺汝賢
函嶠天下險周召國風先
按節人文朗登臺使命宣
豺狼避驄馬神鬼泣龍泉
文彩驚流輩微庸憶往年
衣冠隨謁帝館閣望登仙
省接星辰近池臨雨露偏
畏途逢改革新法忤權奸
攷逐江湖去飄零歲月懸
地卑棲鏃羽天近起鸞翩
殘寇猶衝突蒼生極倒懸
專征空授鉞募戰豈論錢
漂血江河赤僵尸楚蜀連
俊才無武畧要地有威權
馬上排金戟軍前贈玉鞭
笑談安石計激切賈山篇
漢苑南山下秦城北斗邊
相思一回首萬里各風烟

贈良伯

帝座神仙侶天河烏鵲橋
常時異棲息今日共雲霄
念子飛騰入相看衢路遙
人猶惜駿裏吾已嘆鷁鷁
苑旭高雲閣宮花並玉鑣
明光羨起草努力在清朝

贈劉生

劉生何激昂下筆已成章
誰敢輕年少吾尤重老蒼

王揚操翰墨游夏早升堂汗血真龍種奇毛本鳳凰
炎天留玉樹花夕映冠裳霄路雲鴻羽他時看爾翔
送鄭伯生送親還夷陵

送喜潘輿動承懽解王簪私情烏鳥疏恩詔鳳凰林
畫錦供萊服秋懷罷越吟路難回馭志江穩放舟心
雨露殘冬景風塵靜夕陰荆門巴國盡巫峽楚宮深
碧樹猶春色黃鸝更好音莫因鄉土樂長往故山岑
聞河南捷呈閣內諸公

近得河南定旋收東海疆元克親受縛餘孽遠潛藏
始失徐關險終連郢塞長狐狸窺社稷螻蟻竊侯王

大復集卷二十三

九 王武三百五

清泥千營駐黃河一葦舫詎能逃汝漢那敢傍嵩印
勇暑傳諸將兵威借朔方中丞兼節制上宰極扶匡
霽色瞻宮殿陰氛散渺茫凱音連報捷獻壽屢稱觴
天子開麟閣羣公奉柏梁中興當此日漢武是

今皇愴往衣冠禍衰茲盜賊猖缺戕悲相國開網見
殷湯格闕中原血誅求海內瘡猶須哀痛詔可少治
安章斟酌調元氣扶持立紀綱薦新行太廟覽政坐
明堂不獨職豺虎還應感鳳凰蒼生倚君相拭目看

時康

子衡在獄感懷二十韻

朋儔日乖。蹇念汝涕如瀆。賈誼生非晚。鄒陽志不羣。
書從梁獄上。哭向漢庭聞。天地虞羅密。江湖釣餌芬。
路豺那可問。屋鼠竟難熏。已懼蒼蠅點。真成貝錦文。
神龍在污淖。鷲鳥失青雲。日月益還覆。薰蕕器不分。
斗間誰辨劍。野外枉懷芹。談虎嗟何及。亡猿禍已云。
高才元脫畧。衆口但紛紜。木直防先伐。蘭芳忌自焚。
晝臺幽白日。冬井下霜氛。曉榻明星昏。陰牆白草曛。
連驂虛繯綬。尺牘阻慙懃。石父遭齊相。鍾儀滯楚軍。
受書賢不死。演易聖猶勤。縲絏終非罪。文章固有勲。
燕臣霜霰烈。庶女震雷殷。佇見天王聖。金雞早赦

大復集卷二十三

一 玉武三百六十一

君

寄題丹陽孫氏七峯山房

聞爾山房勝。青天秀七峯。芙蓉疊日月。雲霧裊杉松。
堦倚曲巒積。窓通洞壑重。丹霞互明滅。瑤草自春冬。
靜得沉冥趣。幽探仙聖蹤。源潭暗雷雨。白晝有蟠龍。

蓉溪書屋

書屋蓉溪曲。雲林蜀嶺斜。一經韋相業。萬卷鄴侯家。
檻護連枝秀。池看並蒂葩。謝庭森玉樹。漢省接金華。
山月岷峨雪。江天灩澦霞。花潭通白石。錦水出丹沙。
星野光芒聚。鴻霄羽翼遐。地靈與文物。今古擅三巴。

方朔圖

調笑東方朔。沉醉金馬門。竊桃王母見。懷肉漢皇恩。
月下雙鸞返。雲間八駿奔。玉盤春不獻。丹校代長存。
事往丹青錯。圖開錦繡屯。素端掙弱水。玄圃折崑崙。
種樹非潘縣。迷花似楚村。千年一結實。萬古自蟠根。
海日紅猶爛。天風晝更繁。神仙皆羽翼。洲島異乾坤。
無路乘黃鶴。何由踏赤鯤。市朝棲大隱。那識歲星魂。

友竹

買園惟種竹。身與竹為儔。一逕白雲裏。千竿清吹幽。
江亭朝對雨。水榭早迎秋。翠袖天寒倚。朱絃日暮愁。

大復集卷二十三

十一 蕺谷三百五十三

風因故人至。月為此君留。逸駕今誰並。前身是子猷。
人多嫌寂寞。吾獨慕清修。苦節長如此。虛心不外求。
琴樽忘老病。几席共綢繆。歲晚根逾固。霜繁花益稠。
山空鷓鴣怨。海澗鳳凰憂。高志寧須待。深棲且自謀。
何因孤興發。吹笛上君樓。

渡涇渭 秦集

北回亂涇渭。東眺極澄瀛。落日兩盪瀟。遙天雙帶縈。
波流互明滅。岸折屢崩驚。一作洲渚 各縱橫 隔樹一作望迴

合分溝。揚濁清。堰渠饒上壤。形勢迥西京。漕挽通秦甸。津梁跨漢城。湮沉九州會。雄壯八川名。空挹入河

志復含浮海情風沙滿世路雲浪渺江程鵲去星源
逸鯨翻霧島輕片帆儻可借萬里自茲行

何大復先生集卷之二十三

大復集卷之二十三

二
卷之二十三



